

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ
ՈՐՈՇՈՒՄ

<< >> _____ 2016 թվականի N___-Ն

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2003 ԹՎԱԿԱՆԻ
ՕԳՈՍՏՈՍԻ 8-Ի N 1048-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ
ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ**

«Հաշվապահական հաշվառման մասին» Հայաստանի Հանրապետության օրենքի 12-րդ հոդվածի 5-րդ մասին համապատասխան՝ Հայաստանի Հանրապետության կառավարությունը ո թ ո շ ու մ է.

1. Հայաստանի Հանրապետության կառավարության 2003 թվականի օգոստոսի 8-ի «Հայաստանի Հանրապետությունում հաշվապահների որակավորման կարգը հաստատելու մասին» N 1048-Ն որոշման (այսուհետ՝ որոշում) մեջ կատարել հետևյալ փոփոխությունները և լրացումները՝

1) որոշման 3-րդ կետից հանել «և էկոնոմիկայի» բառերը.

2) որոշման 4-րդ կետը շարադրել հետևյալ խմբագրությամբ.

«4. Սույն որոշմամբ հաստատված կարգի գործողությունը չի տարածվում բանկերի, վարկային կազմակերպությունների, ապահովագրական ընկերությունների, վերաապահովագրական ընկերությունների, ապահովագրական բրոքերների, ապահովագրական բյուրոների, վճարահաշվարկային կազմակերպությունների, ներդրումային ընկերությունների, կարգավորվող շուկայի օպերատորի, կենտրոնական դեպոզիտարիայի, ներդրումային ֆոնդերի կառավարիչների, պետական կառավարչական հիմնարկների, համայնքների ղեկավարների աշխատակազմերի, պետական և համայնքային ոչ առևտրային կազմակերպությունների վրա:»:

3) որոշման 1-ին կետով հաստատված՝ Հայաստանի Հանրապետությունում հաշվապահների որակավորման կարգում (այսուհետ՝ Կարգ) կատարել հետևյալ փոփոխությունները և լրացումները՝

ա. Կարգի 2-րդ կետում «հիման վրա» բառերից հետո լրացնել «, բացառությամբ սույն կարգի 26-րդ կետի 2-րդ ենթակետում և 30-րդ կետում նշված անձանց, որոնց որակավորումն իրականացվում է առանց քննության:» բառերը.

բ. Կարգի 3-րդ, 5-րդ, 9-րդ, 18-րդ կետերում «Հայաստանի Հանրապետության ֆինանսների և էկոնոմիկայի» բառերը փոխարինել «Հայաստանի Հանրապետության ֆինանսների» բառերով.

գ. Կարգի 5-րդ կետում՝

1) Նախաբանը շարադրել հետևյալ խմբագրությամբ.

« Քննության մասնակցելու համար դիմողն առձեռն կամ փոստով կամ Հայաստանի Հանրապետության ֆինանսների նախարարության պաշտոնական կայքի միջոցով էլեկտրոնային եղանակով ներկայացնում է՝».

2) «ա» ենթակետը շարադրել հետևյալ խմբագրությամբ.

«դիմում՝ համաձայն Ձև 1-ի: Դիմումի ձևը տեղադրվում է Հայաստանի Հանրապետության ֆինանսների նախարարության պաշտոնական կայքում.».

3) «ե» ենթակետը շարադրել հետևյալ խմբագրությամբ.

«ե) պետական տուրքի վճարման անդորրագիրը կամ պետական վճարումների էլեկտրոնային համակարգի կողմից գեներացված անդորրագիրը կամ անդորրագրի 20-նիշանոց ծածկագիրը (այսուհետ՝ տուրքի վճարման անդորրագիր):».

դ. Կարգի 6-րդ կետում «15 օրացուցային» բառերը փոխարինել «հինգ աշխատանքային» բառերով.

ե. Կարգի 7-րդ կետում «առնվազն 7 օր» բառերը փոխարինել «առնվազն յոթ աշխատանքային օր» բառերով.

զ. Կարգի 14-րդ կետը շարադրել հետևյալ խմբագրությամբ.

«14. Քննությունների ընթացքում մասնակցին թույլատրվում է օգտվել Հայաստանի Հանրապետության կառավարության 2003 թվականի օգոստոսի 8-ի N 1048-Ն որոշման 3-րդ կետով սահմանված ցանկում ընդգրկված նորմատիվ իրավական

ակտերից և (կամ) գրականությունից, սակայն չի թույլատրվում երկխոսության մեջ մտնել մյուս մասնակիցների հետ, օգտվել համակարգչից, հեռահաղորդակցության միջոցներից, այլ էլեկտրոնային սարքավորումներից ու ծածկաթերթիկներից:

է. Կարգը լրացնել հետևյալ բովանդակությամբ նոր 14.1-ին և 14.2-րդ կետերով.

«14.1 Սույն կարգի 14-րդ կետի պահանջներից որևէ մեկի խախտման դեպքում հանձնաժողովի անդամների ընդհանուր թվի առնվազն 50 տոկոսի որոշմամբ, մասնակիցը դուրս է հրավիրվում քննասենյակից (դրա մասին կազմվում է արձանագրություն, որի մեկ օրինակը, մասնակցի ցանկությամբ, տրվում է իրեն):

14.2 Քննության ընթացքում մասնակիցը կարող է քննասենյակից դուրս գալ հանձնաժողովի նախագահի թույլտվությամբ: Մասնակցի՝ քննասենյակ վերադառնալու և քննությունը շարունակելու պայմանով դուրս գալու դեպքում, նրան պետք է ուղեկցի հանձնաժողովի անդամներից մեկը՝ սույն կետի պահանջների խախտումը կանխելու նպատակով:».

ը. Կարգի 16-րդ կետը շարադրել հետևյալ խմբագրությամբ.

«16. Քննության արդյունքում որակավորված է համարվում այն մասնակիցը, որը քննություն հանձնելու արդյունքում հավաքել է առնվազն 84 միավոր (անցողիկ միավոր), այդ թվում խնդիրներից՝ առնվազն 15 միավոր:».

թ. Կարգի 18-րդ կետում «10-օրյա ժամկետում» բառերը փոխարինել «երկու աշխատանքային օրվա ընթացքում» բառերով.

ժ. Կարգի 19-րդ կետում «5 տարի ժամկետով» բառերից հետո լրացնել «, իսկ սույն կարգի 30-րդ կետում նշված անձանց՝ մինչև որակավորման վկայականի տրման հիմք հանդիսացող փաստաթղթի վավերականության ավարտը:» բառերը.

ժա. Կարգի 22-րդ կետը շարադրել հետևյալ խմբագրությամբ.

«22. Մասնակցի կողմից քննության արդյունքները կարող են բողոքարկվել հանձնաժողովին՝ ներկայացնելով գրավոր դիմում քննության արդյունքները հայտնելու (հրապարակելու) օրվանից տասն աշխատանքային օրվա ընթացքում կամ Հայաստանի Հանրապետության ֆինանսների նախարարին՝ ներկայացնելով գրավոր դիմում քննության արդյունքները հայտնելու (հրապարակելու) օրվանից 23 աշխատանքային

օրվա ընթացքում: Հանձնաժողովը կամ Հայաստանի Հանրապետության ֆինանսների նախարարը բողոքարկման վերաբերյալ դիմումը ստանալուց հետո տասն աշխատանքային օրվա ընթացքում տեղեկացնում են բողոքարկող մասնակցին բողոքարկման արդյունքների վերաբերյալ: Մասնակիցի կողմից քննության արդյունքները կարող են բողոքարկվել նաև դատական կարգով:».

ժբ. Կարգի 23-րդ կետում «հնգօրյա ժամկետում» բառերը փոխարինել «՝ երկու աշխատանքային օրվա ընթացքում» բառերով.

ժգ. Կարգը լրացնել հետևյալ բովանդակությամբ նոր 25-33-րդ կետերով.

«25. Հայաստանի Հանրապետությունում հաշվապահի որակավորման վկայական ունեցող անձանց ցանկը տեղադրվում է Հայաստանի Հանրապետության ֆինանսների նախարարության պաշտոնական կայքում՝ վկայականի տրամադրմանը հաջորդող տասն աշխատանքային օրվա ընթացքում:

26. Քննության արդյունքում որակավորված անձինք (այսուհետ՝ որակավորված անձ) որակավորման վկայականի գործողության ժամկետը լրանալու դեպքում հինգ տարի ժամկետով հաշվապահի որակավորման նոր վկայական ստանալու համար իրենց ընտրությամբ կարող են՝

1) սույն կարգով սահմանված ընդհանուր հիմունքներով մասնակցել հաշվապահների որակավորման քննությանը, կամ՝

2) հաշվապահի որակավորման վկայական ստանալու համար Հայաստանի Հանրապետության ֆինանսների նախարարություն ներկայացնել հետևյալ փաստաթղթերը՝

ա. դիմում՝ համաձայն Ձև 2-ի: Դիմումի ձևը տեղադրվում է Հայաստանի Հանրապետության ֆինանսների նախարարության պաշտոնական կայքում.

բ. դիմելու օրվան նախորդող հինգ տարիների ընթացքում լիազոր մարմնի կամ մասնագիտացված կառույցի կողմից կազմակերպված մասնագիտական վերապատրաստման դասընթացներին նվազագույնը 40 ժամ մասնակցած լինելու փաստը հավաստող փաստաթղթի պատճենը: Վերապատրաստման դասընթացները

պետք է կազմակերպված լինեն հաշվապահական հաշվառման, աուդիտորական գործունեության, ֆինանսական վերլուծության, հարկային, տնտեսական իրավունքի վերաբերյալ օրենսդրության շրջանակներում: Վերապատրաստման դասընթացներին մասնակցություն է համարվում նաև մասնագիտական դասընթացների, սեմինարների, դասախոսությունների վարումը, ինչպես նաև մասնագիտական խորհրդակցություններին, դասընթացներին, սեմինարներին և գիտաժողովներին մասնակցությունը կամ հաշվապահական հաշվառման, ֆինանսական, հարկային, աուդիտորական, տնտեսագիտական բնույթի, ինչպես նաև նշված բնագավառներում մեթոդաբանի, փորձագետի, վերահսկչի, խորհրդատուի, գիտական աշխատողի, դասախոսի, մասնագետի՝ որակավորված անձանց որակավորման վկայականի գործողության ժամկետում առնվազն չորս տարվա աշխատանքը:

գ. անձը հաստատող փաստաթղթի պատճենը:

դ. երկու լուսանկար՝ 3X4 չափսի:

27. Որակավորված անձանց որակավորման վկայականները տրվում են սույն կարգի 26-րդ կետով սահմանված փաստաթղթերը ներկայացնելուց հետո՝ յոթ աշխատանքային օրվա ընթացքում:

28. ՀՀ ֆինանսների նախարարությունը մերժում է (նշելով մերժման հիմքերը) որակավորված անձանց որակավորման վկայականի տրամադրումը, եթե որակավորման վկայական ստանալու համար դիմած որակավորված անձը սույն կարգով պահանջվող փաստաթղթերը ներկայացրել է թերի, բացառությամբ «Վարչարարության հիմունքների և վարչական վարույթի մասին» ՀՀ օրենքի 41-րդ հոդվածի: ՀՀ ֆինանսների նախարարությունը որակավորման վկայականի տրամադրման մերժման մասին գրավոր տեղեկացնում է դիմողին՝ անհրաժեշտ փաստաթղթերը ներկայացվելու օրվանից ոչ ուշ, քան հինգ աշխատանքային օրվա ընթացքում:

29. Եթե որակավորման վկայական ստանալու համար դիմած որակավորված անձը սույն կարգով պահանջվող փաստաթղթերը ներկայացրել է ոչ ամբողջությամբ, ՀՀ

Ֆինանսների նախարարությունը երկու աշխատանքային օրվա ընթացքում դիմողին առաջարկում է երեք աշխատանքային օրվա ընթացքում համալրել պահանջվող փաստաթղթերի ցանկը: Եթե սահմանված ժամկետում դիմողի կողմից ցանկը չի համալրվում, ՀՀ Ֆինանսների նախարարությունը մերժում է որակավորված անձանց որակավորման վկայականի տրամադրումը և այդ մասին դիմողի կողմից փաստաթղթերի ցանկը համալրելու ժամկետի ավարտի օրվանից ոչ ուշ, քան հինգ աշխատանքային օրվա ընթացքում գրավոր տեղեկացվում է դիմողին:

30. Անգլիայի Երդվյալ որակավորված հաշվապահների ասոցիացիայի (ACCA) 1-ից 9 մակարդակները (F1-F9) կամ որակավորված ֆինանսական վերլուծաբանի (CFA) որակավորման երկրորդ մակարդակը կամ ԱՄՆ-ի որակավորված հաշվապահների ինստիտուտի (AICPA) որակավորված հաշվապահի (CPA) որակավորման չորրորդ մակարդակը հանձնաձև լինելու փաստը հավաստող փաստաթուղթ ունեցող անձանց (այսուհետ՝ հավաստագիր ունեցող անձ) որակավորումն իրականացվում է առանց քննության: Որակավորման վկայական ստանալու համար հավաստագիր ունեցող անձն առձեռն կամ փոստով կամ Հայաստանի Հանրապետության ֆինանսների նախարարության պաշտոնական կայքի միջոցով էլեկտրոնային եղանակով ներկայացնում է՝

- 1) դիմում՝ համաձայն Ձև 2-ի: Դիմումի ձևը տեղադրվում է Հայաստանի Հանրապետության ֆինանսների նախարարության պաշտոնական կայքում.
- 2) Անգլիայի Երդվյալ որակավորված հաշվապահների ասոցիացիայի (ACCA) 1-ից 9 մակարդակները (F1-F9) հանձնաձև լինելու փաստը հավաստող փաստաթղթերի պատճենը կամ որակավորված ֆինանսական վերլուծաբանի (CFA) որակավորման երկրորդ մակարդակը հանձնաձև լինելու փաստը հավաստող փաստաթղթի պատճենը կամ ԱՄՆ-ի որակավորված հաշվապահների ինստիտուտի (AICPA) որակավորված հաշվապահի (CPA) որակավորման չորրորդ մակարդակը հանձնաձև լինելու փաստը հավաստող փաստաթղթի պատճենը.
- 3) անձը հաստատող փաստաթղթի պատճենը.
- 4) երկու լուսանկար՝ 3X4 չափսի:

31. Հավաստագիր ունեցող անձանց որակավորման վկայականները տրվում են սույն կարգի 30-րդ կետով սահմանված փաստաթղթերը ներկայացնելուց հետո՝ յոթ աշխատանքային օրվա ընթացքում:

32. ՀՀ ֆինանսների նախարարությունը մերժում է (նշելով մերժման հիմքերը) հավաստագիր ունեցող անձանց որակավորման վկայականի տրամադրումը, եթե որակավորման վկայական ստանալու համար դիմած հավաստագիր ունեցող անձի կողմից ներկայացված փաստաթղթերը թերի են, բացառությամբ «Վարչարարության հիմունքների և վարչական վարույթի մասին» ՀՀ օրենքի 41-րդ հոդվածի: ՀՀ ֆինանսների նախարարությունը որակավորման վկայականի տրամադրման մերժման մասին գրավոր տեղեկացնում է դիմողին՝ անհրաժեշտ փաստաթղթերը ներկայացվելու օրվանից ոչ ուշ, քան հինգ աշխատանքային օրվա ընթացքում:

33. Եթե որակավորման վկայական ստանալու համար դիմած հավաստագիր ունեցող անձը սույն կարգով պահանջվող փաստաթղթերը ներկայացրել է ոչ ամբողջությամբ, ՀՀ ֆինանսների նախարարությունը երկու աշխատանքային օրվա ընթացքում դիմողին առաջարկում է երեք աշխատանքային օրվա ընթացքում համալրել պահանջվող փաստաթղթերի ցանկը: Եթե սահմանված ժամկետում դիմողի կողմից ցանկը չի համալրվում, ՀՀ ֆինանսների նախարարությունը մերժում է հավաստագիր ունեցող անձանց որակավորման վկայականի տրամադրումը և այդ մասին դիմողի կողմից փաստաթղթերի ցանկը համալրելու ժամկետի ավարտի օրվանից ոչ ուշ, քան հինգ աշխատանքային օրվա ընթացքում գրավոր տեղեկացվում է դիմողին:».

ժդ. Կարգը լրացնել նոր Ձև 1-ով և Ձև 2-ով՝ համաձայն հավելվածի:

2. Սահմանել, որ Հայաստանի Հանրապետության կառավարության 2003 թվականի օգոստոսի 8-ի N 1048-Ն որոշմամբ սահմանված ընթացակարգով ստացված և գործողության ժամկետը լրացած որակավորման վկայականներ ունեցող անձինք կարող են Հայաստանի Հանրապետության ֆինանսների նախարարություն ներկայացնել Հայաստանի Հանրապետության կառավարության 2003 թվականի օգոստոսի 8-ի N 1048-Ն որոշմամբ հաստատված կարգի 26-րդ կետի 2-րդ ենթակետով նախատեսված փաստաթղթերը և ստանալ որակավորման նոր վկայական:

3. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

**«Հավելված
ՀՀ կառավարության -----թ. --- որոշման**

Ձև 1

ՀՀ ֆինանսների նախարար
պրն. _____
(նախարարի ա., ազգանունը)

_____ -ից
(ղինողի անունը, հայրանունը, ազգանունը)

ԴԻՄՈՒՄ N __

ՀԱՇՎԱՊԱՀԻ ՈՐԱԿԱՎՈՐՄԱՆ ՔՆՆՈՒԹՅԱՆԸ ՄԱՍՆԱԿՑԵԼՈՒ

Հաշվապահի որակավորման քննությանը մասնակցելու համար Ձեզ եմ ներկայացնում Հայաստանի Հանրապետության կառավարության 2003թ. օգոստոսի 8-ի N 1048-Ն որոշմամբ հաստատված Հայաստանի Հանրապետությունում հաշվապահների որակավորման կարգի 5-րդ կետով պահանջվող փաստաթղթերը, որոնց ամբողջականությունը և արժանահավատությունը հավաստիացվում է իմ կողմից:

Կից ներկայացնում եմ (նշել համապատասխան վանդակները)՝

- կրթության մասին դիպլոմի կամ ատեստատի պատճենը.
- աշխատանքային գրքույկից կատարված քաղվածքը կամ դրա պատճենը և (կամ) քաղաքացիաիրավական պայմանագրի պատճենն ու պայմանագրի կատարումը հաստատող տեղեկանքը.

□ Երկու լուսանկար՝ 3X4 չափսի.

□ պետական տուրքի վճարման անդորրագիրը կամ պետական վճարումների էլեկտրոնային համակարգի կողմից գեներացված անդորրագիրը կամ անդորրագրի 20-նիշանոց ծածկագիրը □□□□□□□□□□□□□□□□□□ :

Խնդրում եմ թույլատրել ինձ՝ մասնակցելու հաշվապահներիի որակավորման քննությանը:

_____ (ղիմողի ծննդյան ամսաթիվը, ծննդավայրը)

_____ (քաղաքացիությունը, անձը հաստատող փաստաթղթի N, ում կողմից է տրված և երբ)

_____ (քնակության վայրը, հեռախոսահամարներ)

Առդիր՝ _____ թերթ:

Դիմող՝ _____ թ.
(ստորագրություն)

Ձև 2

ՀՀ ֆինանսների նախարար
պրն. _____
(նախարարի ա., ազգանունը)
_____ -ից
(ղիմողի անունը, հայրանունը, ազգանունը)

ԴԻՄՈՒՄ N __

ՀԱՇՎԱՊԱՀԻ ՈՐԱԿԱՎՈՐՄԱՆ ՎԿԱՅԱԿԱՆ ՍՏԱՆԱԼՈՒ

Հաշվապահի որակավորման վկայական ստանալու համար Ձեզ եմ ներկայացնում Հայաստանի Հանրապետության կառավարության 2003թ. օգոստոսի 8-ի N 1048-Ն որոշմամբ հաստատված Հայաստանի Հանրապետությունում հաշվապահների որակավորման կարգի 26-րդ կամ 30-րդ կետով պահանջվող փաստաթղթերը, որոնց ամբողջականությունը և արժանահավատությունը հավաստիացվում է իմ կողմից:

Կից ներկայացնում եմ (նշել համապատասխան վանդակները)՝

- Անգլիայի Երդվյալ որակավորված հաշվապահների ասոցիացիայի (ACCA) 1-ից 9 մակարդակները (F1-F9) հանձնաժողովի փաստը հավաստող փաստաթղթի պատճենը.
- որակավորված ֆինանսական վերլուծաբանի (CFA) որակավորման երկրորդ մակարդակը հանձնաժողովի փաստը հավաստող փաստաթղթի պատճենը.
- ԱՄՆ-ի որակավորված հաշվապահների ինստիտուտի (AICPA) որակավորված հաշվապահի (CPA) որակավորման չորրորդ մակարդակը հանձնաժողովի փաստը հավաստող փաստաթղթի պատճենը.
- դիմելու օրվան նախորդող հինգ տարիների ընթացքում նվազագույնը 40 ժամ տևողությամբ մասնագիտական վերապատրաստման դասընթացներին մասնակցած լինելու փաստը հավաստող փաստաթղթի պատճենը.
- անձը հաստատող փաստաթղթի պատճենը.
- Երկու լուսանկար՝ 3X4 չափսի:

Խնդրում եմ տրամադրել ինձ՝ հաշվապահի որակավորման վկայական:

(դիմողի ծննդյան ամսաթիվը, ծննդավայրը)

(քաղաքացիությունը, անձը հաստատող փաստաթղթի N, ում կողմից է տրված և երբ)

(քննության վայրը, հեռախոսահամարներ)

Առդիր՝ _____ թերթ:

Դիմող՝ _____
(ստորագրություն)

_____ թ.

ՀԻՄՆԱՎՈՐՈՒՄ

**«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2003 ԹՎԱԿԱՆԻ
ՕԳՈՍՏՈՍԻ 8-Ի N 1048-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ
ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ» ՀՀ ԿԱՌԱՎԱՐՈՒԹՅԱՆ ՈՐՈՇՄԱՆ
ՆԱԽԱԳԾԻ**

1. Անհրաժեշտությունը.

ՀՀ տնտեսական ոլորտը կարգավորող իրավական ակտերի բարեփոխումների խորհրդի կողմից (այսուհետ՝ Խորհուրդ) հանձնարարվել է ՀՀ կառավարության աշխատակազմի «Օրենսդրության կարգավորման ազգային կենտրոն» ՊՀ-ին (այսուհետ՝ ՕԿԱԿ) ուսումնասիրել մի շարք ոլորտների կարգավորումները և ներկայացնել առաջարկություններ համապատասխան ոլորտը կարգավորող իրավական ակտերի կրճատման, պարզեցման, մասնավորապես, դրանցով սահմանված տնտեսապես ոչ արդյունավետ և աննպատակահարմար մեխանիզմների կրճատման վերաբերյալ:

2. Ընթացիկ իրավիճակը և խնդիրները.

ՕԿԱԿ-ի կողմից ի թիվս սահմանված այլ ոլորտների ուսումնասիրվում է ֆինանսական ոլորտը կարգավորող իրավական ակտերի շրջանակը, մասնավորապես

հաշվապահների որակավորմանն առնչվող կարգավորումները, և արձանագրվել է հետևյալը.

- սույն գործընթացը կարգավորվում է ՀՀ կառավարության «Հայաստանի Հանրապետությունում հաշվապահների որակավորման կարգը հաստատելու մասին» N 1048-Ն որոշմամբ (այսուհետ՝ Որոշում).
- հաշվապահների որակավորման վկայականը տրվում է 5 տարի ժամկետով.
- որակավորված հաշվապահների ցանկը չնայած փաստացի տեղադրված է ՀՀ ֆինանսների նախարարության կայքում, սակայն Որոշմամբ դա նախատեսված չէ.
- որակավորում ստանալու համար հայտատուների կողմից պետք է ներկայացվի գրավոր դիմում, սակայն չկա վերջինս և կից փաստաթղթերն էլեկտրոնային եղանակով ներկայացնելու հնարավորություն.
- Մասնակիցի կողմից քննության արդյունքների բողոքարկման դեպքում սահմանված չէ բողոքարկման արդյունքների վերաբերյալ մասնակցին տեղեկացման ժամկետ:

3. Տվյալ բնագավառում իրականացվող քաղաքականությունը.

ՀՀ կառավարությունը որդեգրել է տնտեսական գործունեության պետական կարգավորման արդյունավետության բարձրացման, գործարար միջավայրի և շուկայական տնտեսության զարգացմանը խոչընդոտող դրույթների վերացման, պետության կողմից քաղաքացիներին մատուցվող ծառայությունների բարելավման և պարզեցման, գործող նորմատիվ իրավական ակտերի կատարելագործման քաղաքականություն և այդ համատեքստում անհրաժեշտ է իրականացնել ֆինանսական ոլորտը կարգավորող իրավական ակտերի վերանայում:

4. Կարգավորման նպատակը և բնույթը.

Հիմք ընդունելով Խորհրդի հանձնարարականը և հաշվի առնելով ուսումնասիրությամբ արձանագրված գործող իրավիճակը, առաջարկվում է.

- Էյ-Սի-Սի-Էյ (ACCA) որակավորման F1-F9 մակարդակների կամ Սի-Էֆ-Էյ (CFA) որակավորման երկրորդ մակարդակի կամ Սի-Փի-Էյ (CPA) որակավորման չորրորդ մակարդակի հավաստագիր ունեցող անձանց որակավորման վկայական տրամադրել առանց քննության.
- Նախկինում քննության միջոցով որակավորման վկայական ստացած անձանց՝ վկայականի գործողության ժամկետը լրանալու դեպքում նոր վկայական տրամադրել առանց քննության՝ մասնագիտական վերապատրաստման դասընթացների մասնակցած լինելու փաստի հիման վրա.
- Սահմանել մասնակիցի կողմից քննության արդյունքների բողոքարկման դեպքում վերջինիս արդյունքների վերաբերյալ բողոքարկող մասնակցին տեղեկացման ժամկետ.
- Սահմանել որակավորում ստանալու համար հայտատուների կողմից ներկայացվող գրավոր դիմումը և կից փաստաթղթերն էլեկտրոնային եղանակով ներկայացնելու հնարավորություն.
- Որոշմամբ սահմանված ժամկետները կրճատել և ներկայացնել աշխատանքային օրերի տեսքով:

5. Նախագծի մշակման գործընթացում ներգրավված ինստիտուտները և անձինք.

Նախագիծը մշակվել է ՀՀ կառավարության աշխատակազմի «Օրենսդրության կարգավորման ազգային կենտրոն» ԾԻԳ ՊՀ-ի կողմից:

6. Ակնկալվող արդյունքը.

Նախագծի ընդունմամբ պայմանավորված ակնկալվող արդյունքը կլինի ֆինանսական ոլորտում գործող կարգավորումների հստակեցումը, ժամկետների կրճատումը:

Տ Ե Ղ Ե Կ Ա Ն Ք

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2003 ԹՎԱԿԱՆԻ ՕԳՈՍՏՈՍԻ 8-Ի N 1048-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ» ՀՀ ԿԱՌԱՎԱՐՈՒԹՅԱՆ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԱՅԼ ՆՈՐՄԱՏԻՎ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

«Հայաստանի Հանրապետության կառավարության 2003 թվականի օգոստոսի 8-ի N 1048-Ն որոշման մեջ փոփոխություններ և լրացումներ կատարելու մասին» ՀՀ կառավարության որոշման ընդունման կապակցությամբ անհրաժեշտ է ընդունել՝ «Հայաստանի Հանրապետության ֆինանսների և էկոնոմիկայի նախարարի 2003 թվականի հոկտեմբերի 23-ի N 803-Ն հրամանում փոփոխություններ կատարելու մասին» Հայաստանի Հանրապետության ֆինանսների նախարարի հրաման:

Տ Ե Ղ Ե Կ Ա Ն Ք

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2003 ԹՎԱԿԱՆԻ ՕԳՈՍՏՈՍԻ 8-Ի N 1048-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ

**ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ» ՀՀ ԿԱՌԱՎԱՐՈՒԹՅԱՆ ՈՐՈՇՄԱՆ
ԸՆԴՈՒՆՄԱՆ ԿԱՊԱԿՑՈՒԹՅԱՄԲ ՊԵՏԱԿԱՆ ԿԱՄ ՏԵՂԱԿԱՆ
ԻՆՔՆԱԿԱՌԱՎԱՐՄԱՆ ՄԱՐՄՆԻ ԲՅՈՒՋԵՈՒՄ ԵԿԱՄՈՒՏՆԵՐԻ ԵՎ ԾԱԽՍԵՐԻ
ԱՎԵԼԱՑՄԱՆ ԿԱՄ ՆՎԱՋԵՑՄԱՆ ՄԱՍԻՆ**

«Հայաստանի Հանրապետության կառավարության 2003 թվականի օգոստոսի 8-ի N 1048-Ն որոշման մեջ փոփոխություններ և լրացումներ կատարելու մասին» ՀՀ կառավարության որոշման ընդունման կապակցությամբ պետական կամ տեղական ինքնակառավարման մարմնի բյուջեում եկամուտների և ծախսերի էական ավելացում կամ նվազեցում չի նախատեսվում: